



Primacy of the Armenian Apostolic Orthodox Church
of the United Kingdom and Republic of Ireland

His Grace Bishop Hovakim Manukyan, Primate

Saint Yeghiche Armenian Church Parish Սբ Եղիշէ Հայոց Եկեղեցւոյ Ծովի

Priest in Charge Rev Fr Nshan Alaverdyan

13b Cranley Gardens, Kensington London, SW7 3BB

Registered Charity No 1173403

Pastoral office t. +44 (0)20 7373 8133 email. info@styeghiche.org.uk

www.styeghiche.org.uk <https://www.facebook.com/StYeghiche>

SUNDAY BULLETIN

1: Today's Scripture Reading,

07th April 2019

Bulletin 14/2019

Sixth Sunday of Great Lent—Advent

ՊՕՂՈՍ ԱՌԱՔԵԱԼԻ ԿՈՂՄԷ 2 ԿՈՐՆԹԱՅԻՆԵՐԻՆ ԳՐՈՒԱԾ ՆԱՄԱԿԷՆ 6:16-7:1

Եւ ի՞նչ համաձայնութիւն ունի Աստուծոյ տաճարը կոռքերուն հետ, որովհետեւ դուք ապրող Աստուծոյ տաճարն էք ինչպէս Աստուած ըսաւ. «Անոնց մէջ պիտի բնակիմ եւ անոնց մէջ պիտի շրջիմ. անոնց Աստուած պիտի ըլլամ ու անոնք ինծի ժողովուրդ պիտի ըլլան»:

Ուստի ելէ՛ք անոնց մէջէն եւ զատուեցէ՛ք,- կըսէ Տէրը:- Անմաքուր բանի մի՛ դպչիք, ու ես պիտի ընդունիմ ձեզ. ես Հայր պիտի ըլլամ ձեզի, ու դուք՝ իմ որդիներս եւ աղջիկներս պիտի ըլլաք,- կըսէ Ամենակալ Տէրը»:

Ուրեմն, սիրելիներ՛ք, այս խոստումները ունենալով՝ մաքրե՛նք մենք մեզ մարմինի ու հոգիի ամեն տեսակ պղծութենէ, եւ կատարելագործե՛նք սրբացումը Աստուծոյ վախով:

The Epistle of St Paul to the 2 Corinthians 7:16-7:1

And what agreement has the temple of God with idols? for you are the temple of the living God; as God has said, **I will dwell in them, and walk in them; and I will be their God, and they shall be my people.**

Therefore come out from among them, and be you separate, says the Lord, and touch not the unclean thing; and I will receive you, And will be a Father unto you, and you shall be my sons and daughters, says the Lord Almighty.

Having therefore these promises, dearly beloved, let us cleanse ourselves from all filthiness of the flesh and spirit, perfecting holiness in the fear of God.

ՅԻՍՈՒՍ ՔՐԻՍՏՈՍԻ ԱԻԷՏԱՐԱՆԷՆ ՇՍՏ ՂՈՒԿԱՍԻ 1:26-38

Վեցերորդ ամսուան մէջ՝ Գաբրիէլ հրեշտակը Աստուծմէ ղրկուեցաւ Գալիլեայի մէկ քաղաքը, որուն անունը Նազարէթ էր, կոյսի մը՝ մարդու մը նշանուած, որուն անունը Յովսէփ էր, Դաւիթի տունէն. այդ կոյսին անունը Մարիամ էր: Հրեշտակը անոր քով մտնելով՝ ըսաւ. «Ողջո՞ յն, շնորհընկալ կոյս, Տէրը քեզի հետ է: Դուն կ'իներուն մէջ օրհնեալ էս»: Տեսնելով զայն՝ շփոթեցաւ անոր խօսքէն, եւ ինքնիրեն կը մտածէր թէ ի՞նչ տեսակ բարեւ էր ատիկա: Հրեշտակը ըսաւ անոր. «Մի՛ վախնար, Մարիամ, որովհետեւ շնորհք գտար Աստուծոյ քով: Ահա՛ պիտի յղանաս որովայնիդ մէջ ու որդի մը պիտի ծնանիս, եւ անոր անունը Յիսուս պիտի կոչես: Ան մեծ պիտի ըլլայ ու Ամենաբարձրին Որդին պիտի կոչուի: Տէր Աստուած անոր պիտի տայ իր հօր՝ Դաւիթի գահը, եւ Յակոբի տան վրայ յաւիտեան պիտի թագաւորէ: Անոր թագաւորութիւնը վախճան պիտի չունենայ»: Մարիամ ըսաւ հրեշտակին. «Ի՞նչպէս պիտի ըլլայ այդ բանը, քանի որ ես այր մարդ չեմ գիտեր»: Հրեշտակը պատասխանեց անոր. «Սուրբ Հոգին պիտի գայ վրայդ, ու Ամենաբարձրին զօրութիւնը հովանի պիտի ըլլայ քեզի. ուստի այն սուրբը որ քեզմէ պիտի ծնի՝ Աստուծոյ Որդի պիտի կոչուի: Ահա՛ քու ազգականդ՝ Եղիսաբէթ, ի՛նք պ' իր ծերութեան ատեն՝ որդիով մը յղի է. եւ ասիկա վեցերորդ ամիսն է անոր՝ որ ամուլ կոչուած էր. որովհետեւ ոչինչ անկարելի է Աստուծոյ»: Մարիամ ըսաւ. «Ահա՛ ես Տէրոջ աղախինն եմ, քու խօսքիդ համաձայն թող ըլլայ ինծի»: Ու հրեշտակը գնաց անոր քովէն:

The Holy Gospel of Jesus Christ according to Luke 1:26-38

The Birth of Jesus Foretold

In the sixth month of Elizabeth's pregnancy, God sent the angel Gabriel to Nazareth, a town in Galilee, to a virgin pledged to be married to a man named Joseph, a descendant of David. The virgin's name was Mary. The angel went to her and said, "Greetings, you who are highly favored! The Lord is

2: A short interpretation of the Scripture reading

with you.”

Mary was greatly troubled at his words and wondered what kind of greeting this might be. But the angel said to her, “Do not be afraid, Mary; you have found favor with God. You will conceive and give birth to a son, and you are to call him Jesus. He will be great and will be called the Son of the Most High. The Lord God will give him the throne of his father David, and he will reign over Jacob’s descendants forever; his kingdom will never end.”

“How will this be,” Mary asked the angel, “since I am a virgin?”

The angel answered, “The Holy Spirit will come on you, and the power of the Most High will overshadow you. So the holy one to be born will be called ^b the Son of God. Even Elizabeth your relative is going to have a child in her old age, and she who was said to be unable to conceive is in her sixth month. For no word from God will ever fail.”

“I am the Lord’s servant,” Mary answered. “May your word to me be fulfilled.” Then the angel left her.

Commemoration of St. Gregory the Illuminator’s torments and commitment to the pit

This feast is the first one among the three commemoration days dedicated to the memory of St. Gregory the Illuminator, the first Catholicos of All Armenians. According to the Armenian Church Calendar, it is celebrated on the eve of the Fifth Sunday during the period of Great Lent. The feast is dedicated to the torments which St. Gregory suffered during his imprisonment.

According to historical sources, St. Gregory the Illuminator was the son of Anak Partev, a knight and nobleman, who killed the Armenian King Khosrov Arshakouni. In retaliation, Anak is executed by the Armenians. His son, Gregory, lived and studied in Caesarea, and was brought up as a pious Christian. Gregory returns to Armenia as an adult and becomes a member of the royal court. King Tiridates (Trdat), the son of King Khosrov and heir to the throne, appoints Gregory as the Chancellor of the Armenian Kingdom. Tiridates, learning that Gregory is a Christian and the son of Anak, subjects him to severe tortures and commits Gregory to death, by imprisoning him in a deep underground pit.

In 301 A.D., after spending 13 years in the pit, St. Gregory the Illuminator is freed from the dungeon and emerges to spread the Light of Christ in Armenia. He thus becomes the first pontiff of the Armenian Church, baptizes the royal family, and evangelizes the whole of the Armenian Nation. Armenia becomes the first nation in the world to officially proclaim Christianity as her state religion.

St. Gregory the Illuminator is recognized by all of Christendom as a Saint, and he is commemorated in all traditional Christian Churches.

Մբ. Գրիգոր Լուսավորչի սուկալի չարչարանքների ու Վիրապ մտնելու հիշատակության օր

Հայ առաջին կաթողիկոս Մբ. Գրիգոր Լուսավորչին նվիրված երեք հիշատակության օրերից՝ տարվա մեջ առաջինն է: Ըստ Հայաստանյայց Առաքելական եկեղեցու տոնացույցի՝ նշվում է Մեծ պահքի 6-րդ կիրակիի նախորդ շաբաթ օրը: Տոնը կատարվում է ի հիշատակություն Խոր Վիրապում Մբ. Գրիգոր Լուսավորչի կրած չարչարանքների: Ըստ պատմական աղբյուրների՝ Մբ. Գրիգոր Լուսավորչին Անակ Պարթև իշխանի որդին էր:

Անակ Պարթևը սպանելով հայոց Արշակունի Խոսրով թագավորին, սպանվում է հայ իշխանների կողմից: Որդին՝ Գրիգորը, մեծանում և կրթություն է ստանում Կեսարիայում, դաստիարակվելով իբրև բարեպաշտ քրիստոնյա: Հետագայում դառնում է Խոսրով արքայի որդու՝ Տրդատ թագավորի արքունի դիվանապետը: Մակայն տեղեկանալով, որ Գրիգորը քրիստոնյա է, ինչպես նաև արքայասպան Անակի որդին, Տրդատ արքան նրան չարչարանքների է ենթարկում և նետում Խոր Վիրապի ստորգետնյա գնդանը: 4-րդ դարի ընդհանրական եկեղեցու Հովհան Ոսկեբերան հայրապետը Մբ. Գրիգոր Լուսավորչին նվիրված իր ներբողում գրել է. «Հիշեք և նրա համբերությունը խոր վիրապի մեջ, որքան էր նեղություններով դառնացած... Իսկ ո՞վ կարող է խոսքով պատմել երանելու անսահման ճգնության մասին, կամ օրինակով ցույց տալ նրա անտանելի նեղությունը, որ ապրում էր իժերի և քարերի մեջ, որտեղ ոչ զրուցակից կար, ոչ վշտակցող բարեկամ, ոչ օգնական, ոչ մխիթարող եւ ոչ ծառայող:

Նա համբերում էր մեծ ժուժկալությամբ, իբրև կենդանի դրված գերեզմանի մեջ, անտուն, մերկ, այնքան ժամանակ, զիշեր-ցերեկ, ամռան շոգին եւ ձմռան սառնամանիքին: Քանզի այս մարդը մոտ էր Աստծուն»: Խոր Վիրապում կրած 13 տարիների չարչարանքներից հետո Մբ. Գրիգոր Լուսավորչը դուրս գալով ստորգետնյա գնդանից, Քրիստոսի լույսն է տարածում հայոց աշխարհում, դառնալով պետականորեն ճանաչված Հայ եկեղեցու առաջին հովվապետը: Գրիգոր Լուսավորչի հիշատակը, երևի համարժեցանքներով սուրբ յոնում էն նաև քրիստոնյա մուսու էկեղեցիները:

Մեկնութիւն եւ պատգամ Աւետարանի այս օրուայ ընթերցուածից.

Յանուն Հօր եւ Որդւոյ եւ Հոգւոյն Սրբոյ. ամէն:

«Սուրբ Հոգին կը գայ քեզ վրայ, եւ Բարձրեայի գորութիւնը հովանի կը լինի քեզ, որովհետեւ նա, որ քեզնից է ծնուելու, սուրբ է եւ Աստուծու որդի կը կոչուի, ... որովհետեւ Աստուծու համար անկարելի բան չկայ» (Ղուկ 1:35;37)

Քրիստոսով Աստուծուն առաւել սիրելի դարձած եղբայրներ եւ քոյրեր,

Այսօր Աւետման տօնն է, Գաբրիէլ հրեշտակապետի կողմից Սուրբ Կոյսին Բարի Լուրը յայտնելու օրը: Ինչո՞ւ է Եկեղեցին այնքան կարեւորել այս տօնը, որ անգամ Մեծ Պահքի վեցերորդ կիրակին ստուերուել է եւ երկրորդային դարձել Աւետման առաջ այն աստիճան, որ անգամ փակուած խորաններն են բացուել եւ տօնական պատարագ է մատուցուած: Այսօր մեզ համար էլ պահոց ապաշխարութեան այս օրերի տրամադրութիւնը մէկ օրով փոխուում է՝ Աւետումի հոգեւոր ուրախութեան այլքը բերելով:

Այսօր բազմաթիւ են վկայութիւնները Հին Կտակարանի մարգարէներից, որ ակնարկում են Տիրոջ գալուստն ու մուտքը: Հնում Տաճարն էր Աստուծոյ ներկայութեան վայրը, Նոր Կտակարանում Սուրբ Մարիամի օրինակով մարդն է Աստուծո տաճար, ուր հանգչում է Աստուծոյ Հոգին: Սա է բարձրաձայնում Պօղոս առաքելայն այսօրուայ ընթերցուածի միջից. **«...ի՞նչ նմանութիւն ունի Աստուծու տաճարը մեկեանների հետ: Արդարեւ, կենդանի Աստուծու տաճար էք դուք, ինչպէս ասաց Աստուած. Պիտի բնակուեմ նրանց մէջ...» (Բ.Կորնթ. 6:16):**

Սուրբ Կոյսը եղաւ Եկեղեցու՝ նոր Տաճարի օրինակը, ուր բնակուեց քերովբէների մէջ նստող Աստուած: Իբրեւ բնաբան յիշուած խօսքերն Աստուածածնին ասուած Աւետիսից են, որ ամէն պատարագից հոգեւորական ասում է՝ խաչակնքելով սուրբ սկիհը: Ինչպէս աներեւոյթ կերպով Աստուածորդին եկաւ Սուրբ Կոյսի որովայն, այնպէս էլ աներեւոյթ կերպով Սուրբ Հոգու միջոցով գալիս է պատարագին եւ օրհնում Սուրբ Ընծաները՝ հացն ու գինին: Սուրբ Մարմնի եւ Արեան հաղորդութեամբ Աստուած մեզ էլ է վերածում տաճարների, ուր բնակուում է Աստուած, դրա համար է նոյն նամակի մէջբերումը. **«Դրա համար դո՛ւրս եկէք նրանց միջից եւ հեռո՛ւ մնացէք, - ասում է Տէրը,- եւ մի՛ դիպէք պիղծ բաներին. եւ ես պիտի ընդունեմ ձեզ. եւ ես պիտի լինեմ ձեզ համար հայր. եւ դուք պիտի լինէք ինձ համար որդիներ եւ դուստրեր»(Բ.Կորնթ. 6:17 -18):**

Շատերի մօտ է այդ հարցը եղել՝ ինչո՞ւ հէնց Սուրբ Մարիամը: Չէ՛ որ Աստուծոյ ժողովրդի մէջ շատ կոյսեր կային, որոնք կրկին երէք տարեկանից իրենց ընծայել էին տաճարին, ապրում էին բարեպաշտ կեանքով: Սուրբ Կոյսն ի՞նչ չափանիշով ընտրուեց, որ անհասանելի էր միւսներին: Թերեւս ամբողջը գալիս եւ խտանում է սրտի խորհուրդի մէջ: **«Կեանքի ծառը բուսնում է արդարութեան պտղից» (Առ. 11:30):** Մարմնապէս շատերս ենք նման իրար, շատերը թուացեալ նման կենցաղ ունեն, բայց, ի վերջոյ, սրտին է նայում Աստուած. **«Սիրտ սուրբ եւ զիտի խոնարհ Աստուած ոչ արհամարհէ»(Մաղմ. 50:19):**

Շարակնոցում Սուրբ Աստուածածնին գեղեցիկ որակումներով եւ աստուածաբանական յետաքրքիր լեզուով են բնութագրում հեղինակները՝ “Աստուածածին անհարսնացեալ՝ երկրից երկինք ընծայուած հարս”, “անստուեր Լոյսի տաճար”, “Առագաստ անպատմելի Իսօսքի”, “Նոր Ուխտի Տապանակ”, “մանանայով լի ոսկի սափոր” եւն: Հոգեւոր մեծ խորք ունի Սուրբ Մարիամի յամենաստութիւնը Նոր Ուխտի Տապանակի հետ: Աստուծոյ ժողովրդի մեծագոյն սրբութիւնն Ուխտի Տապանակն էր, որին կոչում էին նաեւ Վկայութեան կամ Յայտնութեան տապանակ: Այդ Տապանակի մէջ էին պահուում Տապը պատուիրանների քարէ տախտակները, երկնային մանանայով լեցուն սափորը, Ահարոնի գաւազանը: Այն Իսրայէլի ժողովրդի եւ Աստուծոյ կապի խորհրդանիշն էր, նրանց միջեւ Աստուծոյ գոյութեան եւ հաղորդակցութեան վկայութիւնը (Տե՛ս՝ Ելք 25:22): Տապանակը նախ պահուում էր Վկայութեան Խորանի Սրբութիւն Սրբոցում, իսկ Երուսաղէմում Աստուծոյ Տան կառուցումից յետոյ՝ Տաճարի Սրբութիւն Սրբոցում:

Հրեշտակի կողմից Սուրբ Մարիամին տրուող Աւետիսով է սկսում Նոր Ուխտի պատմութիւնը, որ պիտի նորոգուեր Նոր Ուխտով: Իսկ Նոր Ուխտ Տապանակը պիտի Աստուածածինը դառնար: Աստուած, որ ամէն ինչ հալեցնող հուր է, այս Աւետիսով բնակուեց Սուրբ Կոյսի մէջ՝ նրա արգանդը վերածելով Սրբութեան Սրբոցի: **«Խնդա՛ւ եւ ուրախացիր, դո՛ւստր Սիոնի, քանի որ տես ես կը գամ եւ կը բնակուեմ քո մէջ, - ասում է Տէրը, - եւ այդ օրը շատ ազգեր կ'ապաւինեն Տիրոջը, նրա ժողովուրդը կը դառնան ու կը բնակուեն քո մէջ»:** Երբ դա պատահի, դու կ'իմանաս, թէ Ամենակալ Տէ՛րն ուղարկեց ինձ քեզ մօտ»(Չաք 2:10-11):

Աստուած հաճեց բնակուել կուսական արգանդում, եւ աստուածաստեղծն աստուածածին դարձաւ: Մայրութեան մեծագոյն գովերգում եղաւ այս, երբ յախտեաններից առաջ Հօրից ծնուածը Մայր կոչեց մահկանացուին: Հին աշխարհում անտեսուած կնոջ կերպարը Աստուծոյ Մայր կոչուելու սրբութեան բարձունքը էլաւ: Դրախտ տեսած Եւան անհնազանդութեամբ անէծք ժառանգեց, իսկ Տիրոջ Իսօսքի առաջ խոնարհ եւ հնազանդ Սուրբ Կոյսը “փակուած դրախտ” կոչուեց եւ մեզ դրախտը Վերադարձնողին ծնեց: Եւայով անիծուած եւ ցաւով զաւակ ունենալու դատապարտուածը Աստուածորդուն աշխարհ բերելու եւ ծննդաբերութեամբ ամբողջ աշխարհի օրհնութեան միջոց եղաւ: Այժմ Հայաստանեայց եկեղեցիների խորաններից մեզ են նայում Աստուածամոր եւ Մանկան սիրառատ աչքերը՝ յիշեցնելով, որ մեր Աստուած մարդկանց հօգորութեանն ու հարստութեանը չի նայում, այլ հոգու հօգոր ճիգին եւ խոնարհ աղօթքով հարստանալուն, որ Աստուած հեռու չէ մեզնից, այլ կարող է բնակուել ամէն մարդու մէջ եւ յատկապէս՝ մայրերի ու մանկանց: Մեզ մնում է միայն սովորել մեր Փրկչի Մայր Սուրբ Կոյսից՝ միշտ ասելու Աստուծուն. **«Թող քո խօսքի համաձայն լինի ինձ» (Ղուկ 1:38):**

Եկէք այսօր մենք էլ նորոգուած հայեացքով նայենք մեր մայրերին ու քոյրերին, շնորհաւորենք իրենց, աւելի ժպիտով ու գնահատանքով մաղթանքներ անենք իրենց եւ ամենակարեւորը՝ աղօթենք նրանց համար, Աստուածամօր բարեխօս օրհնութիւնը հայցենք իրենց համար, քանզի նրանք եւս շնորհընկալ են Քրիստոսով:

Տէր Յիսուս Քրիստոսի շնորհը, Աստուծու սէրը եւ Սուրբ Հոգու հաղորդութիւնը ձեզ հետ լինեն: Ամէն:
Հոգեւոր Հովիւ Տէր Նշան Քահանայ Ալավերդեան

3: Հոգեհանգիստ - Memorial Service

Repose of the soul service at St Yeghiche Armenian Church is requested:

By Yousefkhania, Davidian and Astourian Families for the soul of their Husband, Father and Grandfather the late **EDIK YOUSEFKHANIAN (Էտիկ Յուսէֆխանեան)**, who had passed away on 6th April 2005, also for all the old and new deceased members of the **YOUSEFKHANIAN, DAVIDIAN** and **ASTOURIAN** Families.

May the Lord rest the souls of the deceased members of our community in peace and console their loved ones with the comforting power of His Holy Spirit.

Ծանոթութիւն.

Մեծ Պահքի ամբողջ ընթացքում եկեղեցու խորանները փակ են՝ ի նշան դրախտից մարդկանց արտաքսման: Բացառութիւն են կազմում ՍՈՒՐԲ ԱՍՏՈՒԱԾԱԾՆԻ ԱՒԵՏՄԱՆ (Ապրիլի 7) եւ ՍՈՒՐԲ ԳԸ. ԼՈՒՍԱՒՈՐՉԻ ՍՈՒՏՆ Ի ՎԻՐԱՊՆ (Պահոց Զ. Կիրակիին նախորդող շաբաթ օրը), երբ պատարագին համար բացում են խորանները եւ պատարագի ավարտից անմիջապէս յետոյ կրկին փակում:

Please Pray For Our Sick: Please notify the Pastor whenever you know of anyone who is sick, whether at home or in the hospital. Let us pray for one another

Rev Fr Nshan Alaverdyan is available to visit parishioners in the hospital, nursing homes, or home visitations. He is also available to conduct Home Blessings, administering Holy Communion, consultations and other sacramental needs. Please call the church office at 020 7373 8133 or Fr Nshan at 07548 777 147.

Ձեր ամեն տեսակի հոգեւոր կարիքներուն եւ Խորհրդակատարութիւններուն՝ Տնօրինէքի, հիւանդի այցելութեան, Սբ Հաղորդութեան ստանալու եւ այլ խնդրանքներուն համար դիմեցէք Եկեղեցի 020 7373 8133, կամ ուղղակի հեռաձայնեցէք Հոգեւոր Հովիւ Տէր Նշան Քահանայ Ալավերդեանին 07548 777 147:

ENQUIRIES:

For ecclesiastical/parish matters including requests for Christenings, Home Blessing (Dnorhnek), Donations in Lieu of Flowers, arrangements for Marriages and other church administrative matters please contact Mr Viken Haladjian, phone: **07970 146 280** or **020 7373 8133** or by emailing info@styeghiche.org.uk Alternatively please approach a member of the Parish Council at church every Sunday after Badarak.

Requiem Service (Hokehankisd)

For Requiem Service (Hokehankisd), please call the church office at **020 7373 8133**, or e-mail us your request to info@styeghiche.org.uk by Thursday, in order to include the name(s) of your beloved one(s) in the Sunday bulletin. There is no set monetary amount for requesting Hokehankisd; any amount donated is appropriate and appreciated. **Please remember our Church in your prayers.** *Your kind donations are gratefully accepted:*

ANNOUNCEMENT:

St Yeghiche Armenian Church Parish Council would like to invite members of the Armenian community to become registered members and take part in Parish activities. Become a dues paying member and let your voice be heard, be eligible to vote and be elected to one of Parish offices. Please contact a member of the Parish Council at the side entrance desk of the Church or visit our website www.styeghiche.org.uk

St Yeghiche Parish Council appeals to all members for **prompt** payment of their **annual membership dues and generous donations**, thus saving your parish administrative and postage costs.

Please hand in your membership dues and donations to the members of the Parish Council at the side entrance desk of the Church. Alternatively please post your cheque to: St Yeghiche Armenian Church Parish, *13b Cranley Gardens, Kensington, London, SW7 3BB*. Please make your cheques pay-able to: **“St Yeghiche Armenian Church”**. You can also pay by bank transfer to St Yeghiche Armenian Church Parish Ltd Account at: HSBC, Acc.no: 42674432, Sort code: 40-02-26, IBAN: GB13HBUK40022642674432, BIC: HBUKGB4106F

St Yeghiche Armenian Church is a Registered Charity, Reg No 1173403. Please complete a Gift Aid Form with your donation. Forms are available from Parish Council.